

Landesbibliothek Oldenburg

Digitalisierung von Drucken

**Academiae Kiloniensis Proreector et Senatus orationem
solemnam Augustissimi Regis Christiani VII natali die 29.
Januarii 1798 habendam indicunt. De Gestu Veterum
Scenico Observationes**

Baden, Torkel

Kiliae Holsatorum, [1798?]

VD18 13382748

Gestus servilis, quid?

urn:nbn:de:gbv:45:1-8303

eius currens³²⁾ quam *Leonida*³³⁾; in quibus lassitudinem jactari magis:

non vides

Me ex cursura anhelitum etiam ducere?

quam esse, apparere omnibus puto. Nihil hisce sensu cassis personis cum vivis coloribus Terentii, atque simulacris ex aere vitam spirantibus commune.

Postremo notandum, non temere esse, quod trunko insidentem servum currentem exhibent imagunculae antiquae; quo habitu corporis describitur Cireneus in Plautina, qui prae languore *sellae* insidens nuntium suum narrat.

Gestus servilis, quid?

Mentionem gestus injiciunt veteres scriptores, qui ex eo, quod servis in Comoedia proprius esset ac peculiaris, *servilis* nomen traxit³⁴⁾; de quo oratoriae artis magistri ita loquuntur, ut nihil, imitatione servorum scenicorum, oratori aequo fugendum praecipient. Ut enim non oratores modo, sed etiam actores intuendos sibi judicabat antiquitas³⁵⁾ atque in oratore gestum pene summorum actorum requirebat³⁶⁾: ita scenae imitationem longissime vitandam duxit in iis, quae facie magis, rictu oris, labiorum ductu corporisque distorsione ridicula essent, quam sensu atque facetiis³⁷⁾). Talis servorum gesticulatio fuit; celeri motu et difficulti notabilis, atque eorum, quos ut in fo

32) Epidic. II. 2.

33) Afinaria II. 2.

34) Donat. ad Andr. I. 2. Quintil. XI. 3.

35) Cic. de Orat. I. 34.

36) de Orat. I. 288.

37) ibid. II. 61, III. 59. Quintil. XI. 3.



etiam in scena *Statarios* appellabant, simplici in agendo nec molestae veritati opposita³⁸⁾).

Interiores, per quas agnoscatur gestus servilis, notae hae fere sunt. Agilitas, qua ad nutum heri advolantes servi, summa festinatione jussis vixdum auditis exsequendis sese accingunt. Abjiciunt se, pendentque non auribus modo, sed toto corpore ab ore imperantis³⁹⁾). Tale obsequium illorum esse debuit, quos crepatione digitorum heri vocabant⁴⁰⁾.

Paraturus aliquid Davus profilit alacer, ferturque citato cursu⁴¹⁾.

Corpus jactant curiosorum more et observantium, quid agatur; interdum manu simul ad os opposita⁴²⁾ silentium sibi facientes; suspenso quoque feruntur gradu, ita parati semper, ut qui, rebus urgentibus, clam se subducere possint⁴³⁾.

Magna concursatio eorum et agitatio corporis, si quando consiliis dominorum adhibentur, ut qui magni aliquid et vultu et manibus denuntiant⁴⁴⁾). Manibus adeo pedibusque certant, dum prosint hero⁴⁵⁾.

Suspicionem amoliuntur pectore ventreque projecto, palmisque protensis⁴⁶⁾.

38) Brutus 30 et 63.

39) Vid. Terentium cum Personarum figuris Mainardi, Ibique Fig. 3. f. Sosia ex Andria I. 1.

40) Martial. III. 82.

41) Andria V. 6. Fig. 30.

42) ibid. V. 4. Fig. 17.

43) ibid. I. 2. Fig. 4. II. 2. Fig. 9.

44) ibid. II. 4. Fig. 11.

45) ibid. IV. 1. Fig. 19.

46) ibid. III. 2. Fig. 15.



Exclamant crebro, dominorum iram perhorrescentes, motuque eo laterum, qualis esse ad verbera solet⁴⁷⁾, capite in humeros contracto, ut qui miserabili visu flagrum se in tergo praesentire indicant⁴⁸⁾.

Exclamant pariter in admiratione, manum immodice allevantes⁴⁹⁾.

Interdum stupore correptos cernere licet, capite retroacto brachiisque incurvatis et una cum reliquo corpore rigentibus ita, ut brachio exerto introspiciatur latus⁵⁰⁾.

In indignatione denique humerus alter contrahitur manusque deorsum tenditur⁵¹⁾. Sed ea humerorum contractio, et allevatio, auctore Quinctiliano⁵²⁾, raro decens. Breviatur enim, sunt verba ipsius, *cervix*, et gestum quendam humilem atque *servilem* et quasi fraudulentum facit.

Oris depravationem, comicis servis adsignem, an personae de mimo, haesito. Locus saltem Ciceronis⁵³⁾, quo gestus intemperantiam exagitat, de minis rectius quam de comicis actibus intelligendus videtur.

De scurrilitate verberum in scena.

Marmor anaglypho opere caelatum est; Museum Herculanense tenet, quod similitudinis, quae rebus effectis cum tabella comica in personato Terentio Vaticano intercedit, seducti docti viri, argumentum scena ex Andria Terentii adumbratum sistere in animum sibi induxerunt. Primus Casp. Bartholinus

47) Damnat hunc Quinctil. XI, 3.

48) Andr. III. 5. Fig. 18.

49) Eunuch. I. 2. Fig. 2.

50) Adelph. V. 1. Fig. 20. Damnat hunc pariter Quinctilian, loc. cit.

51) Eunuch. II. 1. Fig. 3.

52) loc. cit.

53) de Or. II. 61.

